



Wobzamknjenje Zwězkowego pśedsedarstwa Domowiny dnja 17.03.2012

## Jadnański pórěd rewizijnego wuběrka Domowiny (rewizijny pórěd)

### § 1 Zasady žěłabnosći

- (1) Rewizijny wuběrk žěła na zakłaže artikela 12 Domowinskih wustawkow ako teke póstajenjow swójego jadnańskego pórěda a statkujo samostatnje a njewótwisnje. Glědajuce na pšewježenje pśespytowanjow a na gódnošenje jich rezultatow njejo wón žednym wukazam pódstajony.
- (2) Rewizijny wuběrk pak njama za wobstojnosći, kótarež pśespytujo, žednu kompetencu k rozsudam, k dalšnym jadnanjam a k zastupowanju Domowiny. Wón žěła ako interny kontrolny organ Domowiny na financnem pólu.
- (3) Čłonki rewizijnego wuběrka (w dalšnem: rewizory) statkuju cesnoamtski a maju pšawo na pósejžeńske pjenjeze a zarownanje jězbnych kostow pó płašecem pórěže Domowiny.

### § 2 Konstituěrowanje a dalšne wobradowanja rewizijnego wuběrka

- (1) W běgu dweju mjasecowu pó wólbnej głownej zgromažinje pšewježo rewizijny wuběrk Domowiny na pšepšosenje pśedsedarki/pśedsedarja Domowiny swójo konstituěrujuce pósejženje. Pśedsedarka/pśedsedař Domowiny rozpokazujo wuběrk do swójeje žěłabnosći. Na toś tom pósejženju wuzwólijo wuběrk swóju pśedsedarku/swójego pśedsedarja ako teke zastupnicu/ zastupnika.
- (2) Rewizijny wuběrk zmaka se nanejmenjej raz wob lěto k póstajenju nadawkow, k wugódnošenju kontrolow a ku koncipěrowanju pśespytowanjow. Pósejženja zwołajo a nawjedujo pśedsedarka/pśedsedař wuběrka resp. w paže zajžowanja zastupjuca pśedsedarka/ zastupjuicy pśedsedař. Pominatelj-li sebje to nanejmenjej dwa rewizora abo ma-li to zastojnstwo za trěbne, ma pśedsedarka/pśedsedař wuběrka w běgu dweju tyženjowu wurědne pósejženje wuběrka zwołaś.

### § 3 Pšespytowańske pšawa

- (1) Rewizory směju w zwisku ze swójim pšespytowańskim nadawkom do wšykných aktow a knigłow towaristwa financnego charaktera póglědnuš. Wóni maju naměšće pšawo na pšistup k pódložkam a k trěbnym dalšnym informacijam.
- (2) Rewizory maju pšawo, mimo pšizjawjonych kontrolow teke bžeze pšizjawjenja kontrolěrowaš.
- (3) Rewizijny wuběrk smějo głownej zgromažinje a zwězkowemu pšedsedarstwu pisne naraženja k pólěpšenju žělabnosći Domowiny na financnem pólu pšedpóložys a pó wobzamknjenju wótpowědnych napšawow jich zwopšawženje kontrolěrowaš.
- (4) Rewizijny wuběrk naražijo głownej zgromažinje we wobłuku swójeje rozpšawy, až se zwězkowe pšedsedarstwo na kóncu wólbneje doby wulichujo.

### § 4 Winowatosći organow a zastojnstwa Domowiny

- (1) Organy Domowiny a zastojnstwo Domowiny maju rewizoram za pšespytowanja dopólny doglěd do aktow a kontow financnego charaktera ako teke njewobwliwowne žěłowe móžnosći zmóžniš.
- (2) Na pšidatne pšašanja rewizorow maju člonki organow Domowiny ako teke pšistajone zastojnstwa wobšyrnje a wěrnje wótegroniš.
- (3) Organy a zastojnstwo Domowiny maju pokazki rewizorow k wótstronjenju njedostatkow resp. k pólěpšenju žělabnosći ned wugódnosć a se wó jich wobglědowanje procowaš.
- (4) Zastojnstwo Domowiny pomjenujo pšistušajucego zastojnstwa za žělabnosć rewizijnego wuběrka, kenž wšykne trěbne pódložki k dispoziciji stajijo a rownocasnje protokolěrowanje wuslědkow pósejženjow pšewzejo.
- (5) Zastojnstwo Domowiny ma rewizijnemu wuběrkoju pó zestajenju financneje rozpšawy pjerwjejšnego góšpodarskego lěta až do kóńca februara nowego lěta pódložki k pšespytowanju pšistupniš.

### § 5 Winowatosći rewizorow

- (1) Rewizory maju pši zwěšćenju njedostatkow wšykne k pósužowanju toš toho pada relewantne pódložki a informacije wěcownje gódnosć.
- (2) Pósudk rewizorow dej se jano na mašiznu pšespytowanja wusměriš. Pisna pšespytowańska rozpšawa ma se rozymliwje a bžeze subjektiwnych zacušow sformulěrowaš. Wóna pšedpóložijo se zwězkowemu pšedsedarstwu a głownej zgromažinje.
- (3) Rewizory, kótarež su pši wěstych pšespytowańskich padach pšedsudkowne, njesměju se na pšespytowanju wobžěliš.
- (4) Rewizory maju glědajuce na pšespytowańsku mašiznu winowatosć k mjelcanju napšešiwu zjawnosći a medijam.

- (5) Na kuždem pšespytowanju dejej se nanejmenjej dwa rewizora wobželiš.

## § 6 Pšespytowańske nadawki

- (1) Rewizijny wuběrk pšespytujo nanejmenjej lětnje jaden raz:
- wužywanje wobsejžeństwa a financow Domowiny ako teke jich pórědne knigłowanje
  - wobžělanje pisnych a wustnych kritikow a pokazkow, ako měrje se na žěło Domowiny.
- (2) Dalej pšespytujo rewizijny wuběrk:
- wótlicenje pó góspodarskem planje (inkl. woblicenje dobytkow a tšuśow, wěcnu rozpšawu a pšeglěd dalšnych srědkow).
  - rucnu kasu.
  - staw konta na zachopjeńku a na kóncu lěta (pó kontowych wušěgach).
  - inwentarnu lisćinu.
  - zamóženje Domowiny.
  - archiwěrowanje financnych pódložkow a dokładow.
  - dožaržanje financneho pórěda.
  - planowanje srědkow za pšichodne lěto.
- (3) Termin, casowa wobměra a wobžělnikow pšespytowanja póstajijo pšedsedarka/pšedsedař rewizijnego wuběrka resp. w paže jeje/jogo zajžowanja zastupna pšedsedarka/zastupny pšedsedař.
- (4) Wopšimješe pisneje pšespytowańskeje rozpšawy wobzamknjo se na pósejženju rewizijnego wuběrka.

## § 7 Nabyše płašiwosći a změny

- (1) Rewizijny pórěd nabywa z wobzamknjenim w zwězkowem pšedsedarstwie swóju płašiwosć.
- (2) Změny pórěda ma zwězkowe pšedsedarstwo wobzamknuš.